

La dua eldono de la Plena Vortaro (1934) entenis radikojn 6.900. La nuna Suplemento (1953) aldonas 966 aliajn : sume 7.866.

Ni fine notu, ke Zamenhof uzis 1.294 radikojn neoficialajn.

IV. Tipografia aranĝo

Tiu ĉi Suplemento enhavas : a) plibonigojn aŭ kompletigojn al la artikoloj de la P.V. ; b) novajn vortojn, kun iliaj difinoj. Oni facile distingos la du kategoriojn, ĉar la vortoj jam pritraktitaj en la P.V. estas ĉiam sekvataj de la signoj

ANST. (t.e. : anstataŭigu la antaŭan difinon, aŭ difinoparton per...) aŭ

ALD. (t.e. : aldonu jenon).

Cetere estas uzataj la samaj signoj, mallongigoj kaj tipografiaj konvencioj, kiel en la P.V. Oni tamen aldonu, ĉe la simbolo ✱ Geologion al Mineralogio, kaj ĉe la simbolo ~~⌘~~^A Paleontologion al Zoologio ; al la faksignoj, oni aldonu :

(Avi) Aviado

(St) Statistiko.

Aliflanke, mi uzis la simbolon ⌘ ne nur por la teknikaj terminoj de Literaturo, sed ankaŭ por montri la vortojn uzatajn precipe aŭ nur en la beletraj verkoj.

Choisy-le-Roi, Oktobro 1953.